

御批資治通鑑綱目

第二
丞
函
六
冊

御批資治通鑑綱目卷二十二

起乙酉晉孝武帝太元十年。盡戊戌晉安帝隆安二年。

凡十四年

十年。

秦王苻丕大安元。燕二。後秦白雀二年。○西燕主慕容冲更始元年。○西秦王乞伏國仁建義元年。○舊

大國三。新大國一。小國一。凡五僭國。

考異

提要分註作秦哀平帝苻丕。據此年書不稱帝。王當作主。春正

月。燕慕容冲稱帝于阿房。

是為西燕。○冲稱帝改元。頗有自得之志。賞罰任情。慕容盛年十三。謂慕容柔曰。十人之長。亦須才過九人。然後得安。今中山王才不逮人。功未成而驕已甚。殆難濟乎。**質實**阿房。城名。注見秦始名。注見周威烈王二十三年。時慕容冲封中山王。故云。

西燕主冲襲長安。秦王堅與戰。敗之。

秦王堅與西燕主冲戰于仇班渠。及雀桑。皆破之。又戰于白渠。秦兵敗。冲遣尚書令高蓋夜襲長安。入其南城。秦將軍竇衝等擊破之。秦王堅與戰于城西。又大破之。追奔至阿城而還。**集覽**仇班渠。地名。雀桑。地名。載

記云。甲寅戰于仇班渠。乙卯戰于雀桑。皆在京兆東北。白渠。漢武時白公所穿。在京兆。**質實** 注見

漢武帝太始元年。

秦益州刺史王廣棄成都走。**質實** 益州注見武帝泰始八年。成都國名。注同上。

○燕將軍平規攻薊。拔之。**質實** 薊縣名。注見漢帝立更始二年。○西燕馮

翊太守韋謙來奔。

西燕主冲執秦尚書韋鍾。以其子謙為馮翊太守。使招集三輔。壘主邵安民責之曰。君雍州望族。今乃從賊。與

之為不忠不義。何面目以行於世乎。謙以告鍾。鍾自殺。謙來奔。**質實** 馮翊郡名。注見漢

輔。注見漢武帝征和元年。

榮陽郡降。**質實** 榮陽郡注見秦莊襄王元年。○燕遣將軍慕容麟屯信

都。温屯中山。

燕王垂攻鄴久不下。將北詣冀州。乃命趙王麟屯信都。樂浪王温屯中山。召遼西王農還鄴。於是遠近以燕為

不振。頗懷去就。農至高邑。遣從事。駐遂。遂近出。違期不還。
長史張攀請討之。農不應。假遂高陽太守。參佐家在趙。
北者。悉假署。遣歸。退謂攀曰。君所見殊誤。當今豈可自
相魚肉。俟至北還。遂等當迎於道左耳。溫在中山。兵力
甚弱。撫舊招新。勸課農桑。民歸附者相繼。壁壘爭送軍
糧。倉庫充溢。翟真夜襲中山。溫擊破之。乃遣兵逆糧。以
餉垂且營。**集覽**。駐遂。姓名。姓。息。**質實**。鄴縣名。注見漢獻
中山宮室。**集覽**。為反。遂。音粹。

都。國名。注見秦二世二年。**樂浪**。郡名。注見漢武帝元封
二年。**遼西**。郡名。注見漢獻帝建安十年。**高邑**。縣名。注見
漢光武建武元年。**鄴縣**。高陽郡名。注見愍
帝建興四年。**趙**。國名。注見漢景帝三年。

夏四月。劉牢之進兵至鄴。燕王垂逆戰。敗走中山。牢之追
擊。大敗而還。

牢之至枋頭。楊膺。姜讓。謀泄。長樂公不收殺之。牢之聞
之。盤桓不進。及是。乃至鄴。燕王垂逆戰而敗。遂撤圍北
遁。牢之引兵追之。疾趨二百里。至五橋澤。爭燕輜重。垂
邀擊。大破之。牢之單馬走。會秦救至。得免。鄴中饑甚。不
帥眾就晉穀於枋頭。牢之入屯鄴城。兵復少振。尋坐軍
敗徵還。不亦還鄴。燕秦相持經年。幽冀人相食。邑落蕭

條垂以桑樗為軍糧。北趣中山。使質實農先驅。駐遠等皆來迎。上下如初。質實成帝咸和八年。一統志云。五橋澤在開封府陳州城西南一十五里。澤有五橋。因名。一名五梁溝。輜重注見周顯王三十六年。

太保安出鎮廣陵

會稽王道子專權。復為姦諂所構。與安有隙。會秦來求救。安乃請自將救之。出鎮廣陵。築新城而居之。

實會稽國名。注見漢和帝末元元年。廣陵郡名。注見漢武帝元朔五年。新城在揚州府城北一十八里。

書法

前書太傅越出鎮許昌。罪專也。於是秦來求救。安請自將救之。則請命矣。書與越同何。病晉也。

安自淮淝之捷。上忌其功。道子專權。讒諂交構。安之求出。蓋自危也。書曰太保安出鎮。則晉之君臣有餘責矣。是故書出鎮許昌。所以著越之自專。懷帝永嘉六年。書出鎮廣陵。所以著安之自危。是年。美惡不嫌

同辭。

蜀郡太守任禮攻拔成都。復取益州。○後秦攻秦新平。拔之。

秦新平太守苟輔堅守以拒後秦。糧竭矢盡。外救不至。後秦王萇使人謂曰。吾方以義取天下。豈讐忠臣邪。卿但帥衆還長安。吾止欲得城耳。輔帥民出。萇圍而阬之。

質實

新平郡名。注見太元九年。長安縣名。注見

漢惠帝五年。

五月。西燕攻長安。秦王堅出奔五將山。

西燕主冲攻長安。秦王堅身自督戰。飛矢滿體。冲縱兵暴掠。士民流散。道路斷絕。有堡壁三十餘。結盟冒難。遣兵糧助堅。多爲西燕兵所殺。三輔民爲冲所畧者。密遣人告堅。欲縱火爲內應。堅曰。甚哀諸卿忠誠。吾以猛士利兵困於烏合之處。豈非天乎。恐徒使諸卿夷滅。吾不忍也。其人固請。果不克而死。堅號將楊定戰復被禽。堅大懼。以讖書云。帝出五將山。將久長得。乃留太子宏守長安。帥騎數百與張夫人中山公號奔五將山。告州郡。期以孟冬救長安。

質實

一統志云。五將山在鳳翔府岐山縣北三十里。亦名武將山。連五扶風長安縣界。

六月。秦太子宏奔下辨。西燕主冲入長安。

宏不能守。出奔。冲入長安。縱兵大掠。死者不可勝計。

質實

下辨道名。注見漢光武建武十一年。

秋七月旱饑井竭。○後秦圍五將山。執秦王堅以歸。○秦

太子宏來奔。處之江州。質實江州注見漢武帝元鼎五年豫章郡。○八月太

保建昌公謝安卒。

安有疾求還至建昌而卒。質實建昌縣名。注見漢獻

以琅琊王道子領揚州刺史。錄尚書都督中外諸軍事。○

後秦王苻弑秦王堅。

後秦王苻幽秦王堅于別室。使求傳國璽。堅叱之曰。五胡次序。無汝羌名。璽已送晉。不可得也。苻復遣右司馬尹緯說堅。堅問緯在朕朝何官。緯曰。尚書令史。堅歎曰。卿王景畧之儔。而朕不知。宜其亡也。堅自以平生遇苻有恩。尤忿之。數罵苻求死。苻遣人縊之。張夫人。中山公誡。皆自殺。後秦將士亦皆哀慟。苻欲隱其名。諡堅曰壯烈天王。司馬公曰。論者皆以爲堅之亡。由不殺慕容垂姚萇。臣獨以爲不然。使堅治國無失其道。則垂萇皆秦之能臣也。烏能爲亂哉。李克有言。數戰則民疲。數勝則主驕。以驕主御疲民。未有不亡者也。堅似之矣。

質

實

王緯。天水人。景
畧。王猛表字。

書法

王。而君臣之分固在也。故叛可不書。弒不可以

不書。王也。茶嘗臣廣。則書燕王。茶弒遼東王廣。漢初

乙未年。王堅。故曰。綱目之修。君臣之分而已矣。

發明

其罪也。今日殺堅則書弒者。已實臣之。故正名

而定其
罪也。

秦苻丕稱帝于晉陽

秦長樂公丕將赴長安。時幽州刺史王永自薊走壺關

遣使招之。不乃帥鄴中男女六萬餘口。西如潞川。將軍

張蚝并州刺史王騰迎入晉陽。永以

騎來會。丕始知堅死。乃發喪卽位。

質實

長樂公丕。長

太元三年。丕。苻堅之長庶子。幽州。注見唐高祖武德四

年。壺關。縣名。注見漢獻帝建安七年。并州。注見愍帝建

興四年。晉陽。縣名。注見

周威烈王二十三年。

燕遣南中郎將慕容和守鄴。

考異

提要無南中郎將四字。

○劉顯弒

其君頭脊而自立。

考異

按太元元年。書秦分代為二部。此書劉顯代南部。劉庫仁之子也。據

後書。魏南部。此劉顯上。當有代南部三字。

顯。庫仁之子也。既殺頭脊。又將殺拓跋珪。珪遂奔賀蘭部。依其舅賀訥。訥兄染干忌珪得衆心。舉兵圍之。珪母

謂曰。汝等欲於何置我。而殺吾子乎。染干慙而去。

九月。秦呂光還自龜茲。擊涼州。殺其刺史梁熙而代之。

初。呂光以龜茲饒樂。欲留居之。天竺沙門鳩摩羅什曰。此不足留。將軍但東歸。自有福地可居。光乃以駝二萬餘頭。載外國珍寶奇玩。驅駿馬萬匹而還。兵至宜禾。涼州刺史梁熙謀閉境拒之。高昌太守楊翰曰。光新破西域。兵彊氣銳。聞中原喪亂。必有異圖。若出流沙。其勢難敵。高梧谷口。險阻之要。宜先守之。而奪其水。彼既窮渴。可以坐制。如以為遠。伊吾關亦可拒也。度此二阨。雖有子房之策。無所施矣。熙不聽。美水令張統曰。行唐公洛上之從弟。勇冠一時。若奉為盟主。以帥羣豪。則光雖至。不敢有異心。資其精銳。東合四州。掃寇逆。寧帝室。此桓

文之舉也。熙又不聽。而殺洛於西海。光聞翰謀懼不敢進。杜進曰。熙文雅有餘。機鑒不足。終不能用。宜及其上下離心。速攻之。光至高昌。翰以郡降。至玉門。熙移檄責光擅命還師。遣其子府帥眾拒之。光破擒之。武威太守彭濟執熙以降。光殺之。入姑臧。自領涼州刺史。郡縣皆降。獨酒泉西郡宋皓。索浮不下。光攻而執之。責浮不降。浮曰。將軍受詔平西域。不受詔亂涼州。梁公何罪。而將軍殺之。浮力不足。不能報讎。主滅臣死。固其宜也。光皆殺之。主簿尉祐。姦佞險險。與濟同執熙。光寵質實。竊茲信之。祐潛殺名士十餘人。涼州人由是不悅。質實。國名。注見漢光武建武二十二年。天竺。國名。注見漢武帝元狩元年。沙門。僧名。注見漢明帝永平八年。宜禾。縣名。注見漢明帝永平十六年。高昌。郡名。注見齊明帝建武四年。伊吾關。注見漢明帝永平十六年。伊吾屯。美水。縣名。未詳處所。西海。郡名。注見元帝建武元年。玉門關。名。注見漢武帝元鼎二年。武威。郡名。注見漢光武建武十年。姑臧。縣名。注見漢光武建武十二年。酒泉。郡名。注見漢武帝元封三年。西郡。注見漢宣帝元康四年。湟中。

乞伏國仁自稱單于

國仁稱單于。置將相。分其地置十二郡。築勇土城而都之。秦封以為苑川王。是為西秦。

質實

苑川城名。

在臨洮府蘭縣西。即乞伏國仁所都。後爲赫連定滅之。今故城存焉。

河北州郡復降於秦

苻定苻紹苻謨苻亮皆自河北遣使謝罪。中山太守王亮固守博陵。爲秦拒燕。不以定等皆爲河北牧守。楊定自西燕亡奔龍右。收集舊衆。實衝據茲川。有衆數萬。與定及秦州刺史王統。河州毛興。益州王廣。南秦州楊壁。皆自龍右遣使邀不。共擊後秦。不各進其位號。定尋徙治歷城。自稱仇池公。遣使稱藩于晉。後又取天水畧陽之地。自稱**質實**。博陵郡名。注見周威烈王二十三年中龍西王。山茲川地名。未詳處所。秦州注見漢光武建武元年。河州注見穆帝永和三年。南秦州注見漢光武建武十一年。下辨歷城縣名。注見漢光武建武五年。年歷下仇池縣名。注見惠帝元康七年。天水郡名。注見漢光武建武元年。畧陽郡名。注見懷帝永嘉四年。隴西郡名。注見秦王政三年。

冬十一月。燕以慕容農爲幽州牧。守龍城。**考異**提要無爲幽州牧四

字。今從之。

燕將軍餘巖叛。據令支。而高句麗亦擊取其遼東一郡。燕王垂遣農討巖。斬之。進擊高句麗。復取二郡。還至龍城。繕脩陵室。垂以農為幽州牧。留鎮之。農法制寬簡。清刑獄。省賦役。勸農桑。居民富贍。四方流民至者數萬。

質實

令支縣名。注見成帝咸康四年。高句麗東夷國名。注見新莽始建國五年。遼東郡名。注見秦王政三年。

龍城。注見成帝咸康六年。

十二月。燕慕容麟攻秦博陵。守將王寃死之。

麟攻博陵。城中糧竭。矢盡。功曹張猗踰城出。聚眾以應麟。寃臨城數之曰。卿是秦民。吾是卿君。卿起兵應賊。而號義兵。何名實之相違也。古人求忠臣必於孝子之門。卿母在城。棄而不顧。吾何有焉。今人取卿一時之功。則可矣。寧能忘卿不忠不孝之罪乎。不意中州禮義之邦。乃有如卿者也。麟拔博陵。執寃殺之。

發明

秦雖夷狄。非劉石比。故其臣有能守節者。得書于冊。此則進于中國者也。後書徐嵩及毛后。其

義亦同。

燕定都中山。

戊丙

燕王垂北如中山。謂諸將曰：樂浪王招流散，實倉廩，外給軍糧。內脩宮室，雖蕭何何以加之？乃定都焉。

實 樂浪郡名。注見漢武帝元封二年。

十一年 秦王苻登太初元。燕建興元。後秦建初元。西燕王慕容末中興元。魏太祖道武帝拓跋珪登國元年。○涼王呂光天安元年。○舊大國四。

西秦小國。○新大國。○小國。○凡七僭國。**考異** 據此年書苻登稱帝。

分注當作秦主苻登。涼王呂光上當注前涼張大豫鳳凰元年。涼王上當有後字。春正月拓跋珪

復立為代王。

珪從曾祖紇羅與諸部大人共請賀訥推珪為主。大會於牛川。即代王位。以長孫嵩、叔孫普洛為南北部大人。分治其眾。以張袞為左長史，許謙為右司馬。王建等為外朝大人。奚牧為治民長。皆掌宿衛及參謀議。長孫道

生等出納教命。

燕王垂稱皇帝。

始置公卿百官。**質實** 社稷。注見新莽治宗廟社稷。質實。莽天鳳元年。

質

丁零翟遼據黎陽。

翟斌之死也。遼奔黎陽。太守滕恬之甚愛信之。恬之喜畋獵。不愛士卒。遼潛施姦惠。以收衆心。遂執恬之而據其郡。**集覽**丁零北狄種名。注見漢武帝天漢元年。黎陽縣名。注見漢獻帝建安四年。

二月西燕弑其主冲。立段隨為燕王。

冲樂在長安。且畏燕主垂之。驪謀農築室為久安計。鮮卑咸思將軍韓延因衆心殺之。立冲將段隨為燕王。

質實

鮮卑東夷種名。注見漢光武建武二十五年。

張大豫起兵攻姑臧。

初張天錫之南奔也。秦長水校尉王穆匿其世子大豫與俱奔河西。至是魏安人焦松聚兵迎大豫為主。攻拔昌松。進逼姑臧。穆曰。呂光糧豐城固。甲兵精銳。不如席卷竄西。礪兵積粟。然後東向。不及暮年。光可取也。大豫不從。自稱涼州牧。使穆說論嶺西諸郡。皆起兵應之。保據楊鳩。**質實**長水校尉。注見漢西郡名。注見漢安帝元初元年。魏安縣名。未詳處所。楊鳩地名。未詳處所。

代徙都盛樂。

代王珪徙居定襄之盛樂務農息民國人悅之

集覽

盛樂。注見漢後主景耀四年。

質實

定襄郡名。

注見懷帝永嘉六年。

三月泰山太守張願叛謝玄退屯淮陰。

初謝玄欲使朱序屯梁國而自屯彭城。以北海固河上西援洛陽。朝議以征役既久欲令玄置戍而還至是張願以郡叛降翟遼北方騷動玄謝罪乞解職詔慰諭令還淮陰。

質實

梁國。注見漢景帝三年。彭城郡名。注

見秦始皇二十八年。淮陰縣名。注見漢獻帝建安元年。

燕主垂追尊母蘭氏為文昭皇后。

燕王垂欲遷文明段后於別室而以蘭后配享太祖議者皆以為當然。博士劉詳董謐以為堯母為帝母妃位第三。不以子貴陵姜嫄。文昭后宜立別廟垂怒逼之。詳謐曰。上所為無問於臣。臣按經奉禮不敢有貳。垂乃不復問而率行之。又以可足渾后傾覆社稷追廢之。尊烈祖昭儀段氏為景德皇后配享。崔鴻曰。齊桓公命諸

侯無以妾為妻。夫之於妻。猶不可以妾代之。况子而易其母乎。春秋所稱母。以子貴者。君母既沒。得以妾母為小君也。至於亭和。則不得為配矣。君父之所為。臣子必習而效之。竇之殺母。由垂為之漸也。可足。渾氏雖有罪於前朝。然小君之禮成矣。垂以私憾。廢之。又立兄妾之無子者。皆非禮也。**質實**。堯母為帝嚳鑑外紀云。帝嚳第三妃曰慶都。乃陳鋒氏之女也。有赤龍之祥。孕十四月而生堯於丹陵。詳見史記及世編。

西燕人殺段隨而東。至聞喜。立慕容忠。復稱帝。

燕慕容容恒。慕容末。殺段隨。立京都王子顓。帥鮮卑男女四十餘萬口。去長安而東。恒弟韜殺顓。恒又立冲之子瑤。末又殺之。乃立泓之子忠為帝。忠以求為丞相。求持法寬平。鮮卑安之。至聞喜。聞燕主垂已稱帝。不敢進。築燕熙城而居之。**集覽**。聞喜。本絳州曲沃縣。漢末。鹿弟之孫也。武改聞喜。今屬解州。

質實

一統志云。

宜都。晉之郡名。治夷陵縣。唐為縣。後廢之。故城在荊州府夷陵州境。又注見漢光武建武九年夷道。聞喜。漢之縣名。屬河東郡。即秦之左邑也。武帝經邑之桐鄉。聞破南界。因置聞喜縣。東漢罷左邑。移聞喜治此。後魏屬正平郡。後周移治柏壁。隋屬絳州。又移治井谷。唐復徙縣於桐鄉。故城。宋屬解州。金元仍舊。本朝因之。改屬平

府陽

書法

段隨書立為王矣。不書弑何。外之也。曷為外之。不當立也。故不成其君。而以兩下相殺書之。

夏四月。代改稱魏。○後秦王萇取長安。稱皇帝。

鮮卑既東。長安空虛。萇取之。始稱皇帝。置百官。

六月。以楊亮為雍州刺史。鎮衛山陵。荊州刺史桓石民取

弘農。初置湖陝二戍。

質實

弘農郡名。注見周顯王四十五年。湖陝二縣名。湖注見漢武帝

征和二年。陝注見周顯王四十五年。○西燕弑其主忠。立慕容末為河東王。

發明

西燕既弑冲而立段隨。又殺隨而立忠。末幾忠又見弑。而末立矣。半年之間。四易其主。醜類相

殘如此。綱目皆正其罪者。不以夷狄昏亂之故。而廢上下之分也。段隨書殺。非慕容氏之族。故不成乎君。

○秦河北州郡復降於燕。○關隴諸郡復起兵為秦。

秦主不以王末為左丞相。傳檄四方。共討姚萇。慕容垂於是天水。馮翊。河東。京兆。扶風。咸起兵。遣使詣秦。

質